



Broj: 01/13-33-2324-1/20
Sarajevo, 17.03.2020. godine

Pravni osnov:

- Član 46. Statut Grada Sarajeva („Službene novine KS“, broj 34/08 – prečišćeni tekst);
- Zakon o zaštiti stanovništva od zaraznih bolesti Federacije BiH („Službene novine F BiH“, broj 29/05);
- Zaključak Vlade F BiH V, broj 164/2020 od 31.01.2020. godine o proglašenju zaraznom bolešću čije je sprječavanje i suzbijanje od interesa za Federaciju BiH;
- Preporuka Federalnog ministarstva zdravstva, broj 01-33-1490/20 od 13.03.2020. godine;
- Naredba Kriznog štaba Federacije Bosne i Hercegovine;
- Naredba Kriznog štaba Ministarstva zdravstva Kantona Sarajevo.

U cilju daljnjeg praćenja situacije i poduzimanje mjera radi sprječavanja širenja bolesti izazvane koronavirusom, čije je sprečavanje i suzbijanje od interesa za Federaciju BiH, dana 16.03.2020. godine Kolegij Gradonačelnika Grada Sarajevo donosi

MJERE

**kojim se preciznije definiše i nalaže postupanje uposlenika
organa uprave Grada Sarajeva, Javnih preduzeća i Javne ustanove
čiji je osnivač Grad Sarajevo, u trenutnim okolnostima**

- Svi javni skupovi u kojima je Grad Sarajevo organizator ili suorganizator odgađaju se do daljnjeg u sklopu mjera prevencije širenja koronavirusa;
- Obustavljaju se sve posjete trećih lica organu uprave, osim posjeta koje su izričito najavljene iz Kabineta gradonačelnika i zamjenika gradonačelnika i Kabineta predsjedavajućeg i zamjenika predsjedavajućeg Gradskog vijeća Grada Sarajeva; Obavijest će se dostaviti na portirnicu Službe zajedničkih poslova organa i tijela u sjedištu Grada Sarajeva;



- Radno vrijeme u organu uprave Grada Sarajeva skraćuje se na period od 10:00 do 14:00 sati;
- Pisarnica u sjedištu organa uprave Grada Sarajeva vrši prijem pošte od 9:00 do 12:00 sati;
- Sve osobe koje se obučavaju za samostalan rad bez zasnivanja radnog odnosa prestaju sa radom u sjedištu, a obuku nastavljaju u dogovoru sa medijatorom;
- Nalaže se Odsjeku za zajedničke poslove da odmah pokrene nabavku i na taj način obezbijedi sredstva za dezinfekciju koja će se koristiti za čišćenje službenih prostorija, kao i sredstva za dezinfekciju ruku, rukavice i maske za potrebe higijeničarki i uposlenika pisarnice;
- U službama organa uprave će se nastaviti i obezbijediti rad uposlenika „od kuće“, u periodu od 15 dana.
Uposlenici koji budu radili od kuće dužni su u periodu radnog vremena biti dostupni i obavljati dodijeljene obaveze.
Svi rukovodioci Službi/Odjeljenja/Odsjeka su obavezni biti dostupni 24/7, bez obzira na skraćeno radno vrijeme.
Svi uposlenici su dužni svojim neposrednim rukovodiocima službe dostaviti privatnu e-mail adresu na koju će im se slati zaduženja;
- Nalaže se Odsjeku za informatičke poslove da za uposlenike koji poslove obavljaju od kuće postave autorizaciju e-mail-a, pristiglih poruka na službeni e-mail (preusmjerenje e-mailova);
- Nalaže se Odsjeku za zajedničke poslove da sva službena vozila parkira u garažni prostor sjedišta Grada, a vanjski parking obezbijediti za uposlenike koji dolaze na posao (dežure);
- Zadužuju se svi uposlenici da do kraja radnog vremena okončaju sve započete poslove vezane rokovima, a ako nisu u mogućnosti ili ne mogu riješiti na bilo koji drugi način, iste prenesu na osobe koje ostaju na radu (dežuri);
- O prisustvu na poslu uposlenika koji su ostali na radu (dežure) prvih 15 dana, vodit će se evidencija, a za narednih 15 dana će se utvrditi novi raspored;
- Mjere stupaju na snagu danom donošenja sa primjenom ODMAH i traju 15 dana od dana donošenja sa mogućnošću daljnjeg važenja;
- Zadužuju se Javna preduzeća i Javna ustanova čiji je osnivač Grad Sarajevo da putem nadležnih organa (Skupština, Upravni odbor) donesu odgovarajuće Odluke u cilju sprečavanja širenja bolesti izazvane koronavirusom (obustava rada bazena Otoka i zatvaranje objekta Vijećnice za posjetioce na 15 dana);

- Kolegij je saglasan da se sve nabavke za kojima se iskaže potreba, a koje su uzrokovane trenutnom epidemiološkom situacijom, vrše na način da se osigura primjena Zakona o javnim nabavkama u stanju izuzetne hitnosti (član 21. stav 1. tačka d) ZJN), a sve u skladu sa odredbama Zakona o zaštiti stanovništva od zaraznih bolesti Federacije BiH („Službene novine F BiH“, broj 29/05).



Gradonačelnik Grada Sarajeva

mr. Abdulah Skaka

Dostaviti:

- Svim Službama/Odjeljenjima/Odsjecima;
- Oglasna ploča Grada Sarajeva;
- Portirnica Službe zajedničkih poslova organa i tijela u sjedištu Grada Sarajeva;
- JP Olimpijski bazen Otoka d.o.o. Sarajevo;
- JP Sarajevo d.o.o. Sarajevo;
- JU Muzej ARS Aevi Sarajevo;
- a/a.